

UPM menang Technology Business Review Asean Award

KECEMERLANGAN Universiti Putra Malaysia (UPM) dalam penyelidikan dan pendidikan terbukti apabila diumumkan sebagai pemenang Technology Business Review Asean Award 2008 for Excellence in the Asean Education Management Sector (Research University), baru-baru ini.

UPM dalam satu kenyataan berkata, anugerah itu disampaikan Ketua Pegawai Eksekutif Chopard Malaysia, A B M Shah Jahan kepada Naib Canselor UPM, Prof Datuk Dr Nik Mustapha

R Abdullah, pada satu majlis yang berlangsung di Pusat Konvensyen Antarabangsa Putrajaya.

Berucap pada majlis itu, Nik Mustapha mengucapkan terima kasih kepada panel majalah perniagaan Asia Tenggara, Technology Business Review yang memilih UPM sebagai penerima anugerah berprestij itu, selepas kejayaan kali pertama menerima anugerah sama, tahun lalu.

Beliau turut menyatakan penghargaan kepada semua warga UPM yang bersama-sama

melonjakkan bidang pendidikan dan penyelidikan universiti itu ke tahap tertinggi.

Anugerah yang diperkenalkan majalah itu sejak tahun 2006 itu diberikan kepada individu dan organisasi cemerlang yang berjaya meningkatkan prestasi, inovasi, kepuasan pelanggan, pengurusan sumber manusia dan tanggungjawab sosial korporat.

Tahun ini, sebanyak 25 organisasi, 20 individu dan lima syarikat berkaitan kerajaan (GLC) dipilih menerima anugerah itu dalam pelbagai kategori.



NIK Mustapha (kiri) menerima trofi Technology Business Review Asean Award 2008 daripada Shah Jahan.